

n 16.



CANTIC AR BARADOS.



Var eun ton anavezet.

JESUS! peguen bras ve
Plijadur an ene,
Pa ve en graç Doue
Hac en e garante!

bis.

Bêr cavo an amzer,
Ne zanto nep mizer,
O sònjâl de ha nos
En gloar ar Barados.

bis.

Pa zellàn en êuvo
Hac etrezec va bro,
Nijal dîn a garfen
Evel eur goulmic ven.

bis.

2

Mes siouas, me chomo
Betec heur ar maro,
Evel eur prisonnier,
En eur c'horf zo pounner. *bis.*

Pa vo heur ar maro,
Neuze me guimmiado
Eus ar c'hic danjerus
Adversour da Jesus. *bis.*

Gant joa e c'hortoàn
Ar moment divezàn;
Hast ameus da velet
Jesus va güir bried. *bis.*

En heur-ze me esper,
Gant sicour va C'hrouer,
Ar partach evurus
Prenet din gant Jesus. *bis.*

Qerqent ha ma vezo
Torret va chadenno,
M'en em zavo en êr
Evel eun al'hueder. *bis.*

Tremen a rin al loar
Evit monet d'ar gloar,

3

Var an heaul, ar steret
Me a vezo douguet. *bis.*

Neuze me lavaro
Adieu da dud va bro,
Adieu d'ar bed poannius,
D'e bechou danjerus. *bis.*

Adieu d'ar baourente,
Adieu d'ar vanite,
Adieu d'an trubuliou,
D'an tentationou. *bis.*

Pelloc'h ne zoujin qet
Chalmou an drouc-speret;
Biqen, nan, n'em zromplo
Goude heur ar maro. *bis.*

Goude heur ar maro
Gant joa me a gano:
Torret eo va chaden
Ha me libr da viqen. *bis.*

Ar pec'hejou marvel
Nac ar re veniel
N'ellint qet m'attaqi
Na biqen va zrec'hi. *bis.*

4

Me a chencho a stad
 Evit va brassa mad;
 N'em bezo nep glac'har
 O quittât an douar. *bis.*

Me velo discaret
 Va oll enemiet,
 Ha me victorius
 Dre ho craç, va Jesus. *bis.*

A bep-tu pa zellin,
 Qement tra a velin
 A gargo va c'halon
 A gonsolation. *bis.*

Porzier ar Barados
 Digor eus va gortos
 Ar Zent, ar Zentezet
 Prest d'am diguemeret. *bis.*

Piou' allo esplicàn,
 Gant joa el lavaràn,
 An triomph a velin
 Er gloar pa antreïn. *bis.*

Me vezo recevet
 En pales an Drindet,

5

È creiz an enoriou
Hac ar melodiou. *bis.*

Hac eno evit mad
Velimp Doue an Tad
Gant e Vab eternal
Hac ar Speret-Santel. *bis.*

Me a velo Jesus
Ganteun ær gracios,
O lacât var va fen,
Ar gaëra curunen. *bis.*

Pa em diguemerò,
Eus e beurs me glêvo:
Deut, servicher fidel,
Deut, d'ar gloar eternal. *bis.*

C'houi, graguez ha merc'het,
Trec'h d'ar c'hic ha d'ar bed,
C'houi pezo enoriou
Evit ho victoriou. *bis.*

Sonjomp oll dre avanç
Peguer caër recompanç
Zo demp oll preparet
En pales an Drindet. *bis.*

6

Er barados hepquen
 Ni a ello compren
 Petra dal an ênvou,
 O gloar hac o joayou. *bis.*

Evit poanniou dister,
 Evit anqenniou bêr,
 Me vezo paët mad
 Gant Doue, hor güir Dad. *bis.*

O velet hon Doue
 Gant ar Zent, an Æle,
 Ni a vezo contant,
 Hep aoun rac chenchamant. *bis.*

Admirabl eo güelet
 Ar Verc'hez beniguet,
 Gant daouzec stereden
 A ra e c'hurunen. *bis.*

Güelet a raimp ouspen,
 Renqet en eur vanden,
 An Æle, Arc'hæle,
 Oll o veuli Doue. *bis.*

O cana e music
 Canticou manific,

7

O räi meuleudiou
Da Grouer an ênvou. *bis.*

Güelet a raimp goude
Adam, Abel, Noë,
Abraham hac Isaac,
Jacob, Joseph e vab. *bis.*

David ha Samuel,
Ar Prophet Daniel,
Ar Zent Patriarchet
Gant gloar oll curunet. *bis.*

Ar Prophetet fidel,
An Ebestel santel
Hac an oll Verzerrien,
Enor ar Gristenien. *bis.*

Curunet vint gant gloar
Balamour d'ar victoar
O deus bet gounezet
Var an oll dyrantet. *bis.*

An oll confessorret,
Pontifet, Doctoret,
Beleyen ha Menech
Ha Sent oll a bep lec'h. *bis.*

8

Guerc'hezet a bep oat,
 Sentezet a bep stat,
 Graguez, Intanvezet,
 Gant Doue curunet. *bis.*

Eurusdet hep e far!
 Dre avanç ni a car;
 Te gonsol va c'halon
 En peb affliction. *bis.*

En oll boanniou calet
 A gorf pe a speret,
 Me sònjo deiz ha nos
 En gloar ar barados. *bis.*

FIN.

E Montroulez, eus a Imprimiri LÉDAN.